



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



მოთხოვნა საგრანტო განაცხადზე (RFA)

No. 031-1012-001-S-2017

გამოქვეყნების თარიღი: 2017 წლის 20 დეკემბერი

ძვირფასო აპლიკანტო:

USAID ზრდა პროექტი საქართველოში (ზრდა პროექტი), რომელსაც ახორციელებს Chemonics International, საგრანტო კონკურსის ფარგლებში აცხადებს აპლიკაციების მიღებას **საოჯახო სასტუმროს საჩვენებელი მოდელის** შესაქმნელად. გრანტები გაიცემა და განხორციელდება როგორც ზრდა პროექტის გრანტების მართვის შიდა პოლიტიკის, ისე USAID-ისა და ამერიკის შეერთებული შტატების სამთავრობო რეგულაციების შესაბამისად.

პოტენციური აპლიკანტებისათვის რომლებსაც გაუჩნდებათ კითხვები აპლიკაციის შევსებასთან დაკავშირებით, ზრდა გამართავს საინფორმაციო შეხვედრებს შემდეგი განრიგის მიხედვით:

2017 წლის 27 დეკემბერი, რ. ლალიძის ქუჩა #3, ზუგდიდი (საქველმოქმედო ჰუმანიტარული ცენტრი “აფხაზეთის” ოფისი)

2017 წლის 28 დეკემბერი, გვარამიძის ქუჩა #21, ახალციხე (ზრდა პროექტის ოფისი)

14:00 -დან 15:00 სთ-მდე

დაინტერესებულ აპლიკანტებს საშუალება ექნებათ დასვან კითხვები და მიიღონ მითითებები აპლიკაციის შევსებასთან დაკავშირებით ზრდა პროექტის მიერ გამართულ საინფორმაციო შეხვედრაზე. აპლიკანტებმა, რომლებსაც სურთ დაესწრონ ზემოთ ხსენებულ საინფორმაციო შეხვედრას, უნდა დარეგისტრირდნენ ელექტრონულ ფოსტაზე: subawards@zrda.ge. რეგისტრაცია უნდა შეიცავდეს შემდეგ ინფორმაციას: დასწრების მსურველი ორგანიზაციის/ინდივიდუალური საწარმოს/ფიზიკური პირის დასახელება და ასევე იმ პიროვნების სახელი, გვარი ვინც დაესწრება საინფორმაციო შეხვედრას. შეხვედრაზე დასასწრებად აპლიკანტებმა რეგისტრაცია უნდა გაიარონ არაუგვიანეს 2017 წლის 26 დეკემბრისა. რეგისტრაციის გავლისას, გთხოვთ მოგვაწოდოთ ინფორმაცია იმის შესახებ თუ საჭიროებთ რაიმე განსაკუთრებულ პირობებს შეხვედრის ადგილზე მოსასვლელად. გთხოვთ გაითვალისწინოთ, რომ ზრდა არ აანაზღაურებს საინფორმაციო შეხვედრაზე დასასწრებად გაწეულ ხარჯებს.

გარდა საინფორმაციო შეხვედრებისა, პოტენციურ აპლიკანტებს შეუძლიათ შეკითხვები გამოაგზავნონ წერილობითი სახით ელექტრონულ ფოსტაზე: subawards@zrda.ge არაუგვიანეს 2018 წლის 8 იანვრის 18 საათისა. ზრდა პასუხს გასცემს ყველა რელევანტურ შეკითხვას და გამოაქვეყნებს როგორც ფეისბუქის გვერდზე, ასევე ოფიციალურ ვებ გვერდზე 2017 წლის 15



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



იანვრის 18 საათამდე. გთხოვთ გაითვალისწინოთ, რომ არ მოხდება კითხვებზე პასუხების ინდივიდუალურად გაგზავნა.

ზრდას თანამშრომლებს არ აქვთ უფლება მოითხოვონ, ხოლო აპლიკანტებს ეკრძალებათ შესთავაზონ მათ ფული, საკომისიო, გასამრჯელო, წილი, საჩუქარი, ფულადი საჩუქარი, ღირებული ნივთი ან კომპენსაცია იმის სანაცვლოდ, რომ დაუმსახურებლად მოიპოვონ ან მიიღონ ხელსაყრელი პირობები აღნიშნულ მოთხოვნასთან დაკავშირებით. პროექტის თანამშრომლისგან ნებისმიერი შეუფერებელი მოთხოვნის შესახებ უნდა ეცნობოს პროექტის ხელმძღვანელს ან გაიგზავნოს ელექტრონულ ფოსტაზე BusinessConduct@chemonics.com.

ქვემოთ მოცემულია დოკუმენტების სია, რომლებიც წარმოადგენენ წინამდებარე მოთხოვნის დანართებს და წარდგენილ უნდა იქნენ სააპლიკაციო ფორმასთან ერთად:

- **დანართი A** - განაცხადის ფორმა;
- **დანართი B** - განხორციელების გეგმა;
- **დანართი C** – აპლიკანტის თვითშეფასების ფორმა;
- **დანართი D** - მოთხოვნილი მოწმობები;
- **დანართი E** - აპლიკანტის კონტრიბუციის ფორმა.



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



ნაწილი I. პროგრამის აღწერილობა

IA. მიზანი

ამ პროგრამის ფარგლებში, *ზრდა პროექტი* გასცემს გრანტებს საოჯახო სასტუმროს საჩვენებელი მოდელის შესაქმნელად. გრანტის მიმღებ პირებს წარმოადგენენ საოჯახო სასტუმროების მფლობელები სამცხე-ჯავახეთსა და სამეგრელოში. პროექტი ითვალისწინებს თითო გრანტის გაცემას ორივე რეგიონში. ამ კონკრეტული შემთხვევისთვის, პროექტის სამიზნე თემების ჩამონათვალი არის შემდეგი:

ჯვარი - წალენჯიხის მუნიციპალიტეტი;

ანაკლია - ზუგდიდის მუნიციპალიტეტი

აწყური - ახალციხის მუნიციპალიტეტი;

ნაქალაქევი - ასპინძის მუნიციპალიტეტი;

აბასთუმანი - ადიგენის მუნიციპალიტეტი;

დვირი - ბორჯომის მუნიციპალიტეტი.

სხვა ადგილმდებარეობებიდან მოწოდებული სააპლიკაციო ფორმები არ განიხილება.

საოჯახო სასტუმროს საჩვენებელი მოდელების გამოყენება მოხდება იმავე ტიპის სხვა სასტუმროების მიერ რეპლიკაციისთვის სხვადასხვა ასპექტებში, როგორცაა ინფრასტრუქტურა, ინტერიერი და ექსტერიერი, მომსახურების პაკეტი, უნარ-ჩვევები (ბიზნესის მართვა, მარკეტინგი, მომსახურება/სერვისი, და სხვა).

IB. მოკლე ინფორმაცია

ზრდა პროექტი არის USAID-ის მიერ დაფინანსებული 5-წლიანი პროექტი, რომელსაც ახორციელებს Chemonics International. პროექტის მიზანია ცხოვრების დონის ამაღლება სამიზნე თემებში და ადგილობრივი სუბიექტების - მოწყვლადი ოჯახებისა თუ მიკრო, მცირე და საშუალო საწარმოების (MSMEs) კვალიფიკაციის, პროდუქტიულობისა და ქსელების გაძლიერება, რათა მათ შეძლონ წვლილის შეტანა ფართომასშტაბიან ეკონომიკურ წინსვლაში. ზრდა პროექტი ხელს შეუწყობს მიკრო, მცირე და საშუალო საწარმოების (MSMEs) ზრდა-განვითარებას, გაზრდის სოფლის მეურნეობების შემოსავლის გამომუშავების შესაძლებლობებს და წახალისებს მწარმოებლებსა და მყიდველებს შორის საბაზრო კავშირების დამყარებას საბაზრო ეკონომიკის გაძლიერების მიზნით. შედეგად, ზრდა გაზრდის შემოსავლებს როგორც



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

მიკრო, მცირე და საშუალო საწარმოებისთვის, ისე საოჯახო მეურნეობებისთვის, შექმნის სამუშაო ადგილებს და აამაღლებს ცხოვრების დონეს სამიზნე თემებში.

IC. პროგრამის დეტალური აღწერილობა

ზრდა პროექტი ხელს შეუწყობს საოჯახო სასტუმროების საჩვენებელი მოდელების შექმნას პროექტის ორ სამიზნე რეგიონში – სამცხე-ჯავახეთსა და სამეგრელოში. სხვა საოჯახო სასტუმროებს შეეძლება საჩვენებელი მოდელების სასტუმროები ერთგვარ ნიმუშად გამოიყენონ ისეთი ელემენტების რეპროდუცირების მიზნით, როგორიცაა ინფრასტრუქტურა, შიდა და გარე სივრცის მოწყობა/დიზაინი, ტურისტული მომსახურების პაკეტი და შესაბამისი უნარ-ჩვევები (ბიზნესი, მარკეტინგი, მომხმარებელთა მომსახურება, ა.შ). ამ პროგრამის ფარგლებში, *ზრდა პროექტი* გასცემს ორ გრანტს, ერთს სამცხე-ჯავახეთში და ერთს სამეგრელოში, და დააფინანსებს ინფრასტრუქტურის დაპროექტებას (საჭიროების შემთხვევაში). საგრანტო თანხა ასევე დაფარავს საჭირო აღჭურვილობის, ინტერიერისა და ექსტერიერის გაფორმების ხარჯების ნაწილს. არ მოხდება სამშენებლო მასალებისა და სამუშაოების დაფინანსება. *ზრდა* უზრუნველყოფს ტექნიკურ დახმარებას (კონსულტაცია; გადამზადება) საოჯახო სასტუმროს მენეჯმენტის გაძლიერების სახით, მომსახურების პაკეტის განვითარებითა და სათანადო უნარ-ჩვევებში გადამზადებით. შერჩეული საოჯახო სასტუმროები ვალდებული იქნებიან თავად დაფარონ ინფრასტრუქტურის მოწყობისა და განახლების ყველა ხარჯი და საჭირო აღჭურვილობის შესაძენად გაწეული ხარჯების ნაწილი.

ზრდა პროექტი აცნობიერებს, რომ სამუშაოების უფრო ეფექტურად შესასრულებლად გრანტის მიმღებთა გარკვეულ ნაწილს შესაძლოა ტექნიკური დახმარება (კონსულტაცია; გადამზადება) დასჭირდეს. შესაბამისად, რეკომენდებულია, რომ აპლიკანტებმა განაცხადში დააკონკრეტონ ტექნიკური დახმარების საჭიროებები.

ID. ნორმატიული / მარეგულირებელი რეგლამენტები

ზრდა პროექტის გრანტები შედგენილია აშშ საგარეო საქმეთა შესახებ კანონისა და USAID-ის წინასწარი დირექტივების სისტემის (ADS) საფუძველზე. ორგანიზაციებმა უნდა შეასრულონ [ADS თავი 303](#), საფუძველზე წარმოდგენილი სახელმძღვანელო, „გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID [სტანდარტული დებულებები აშშ არასამთავრობო მიმღებებისთვის](#), ასევე ზრდას გრანტების გაცემის შიდა პროცედურებს.

ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ს მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ.



USAID
ამერიკელი ხალხისათვის

პროექტი ზრდა საქართველოში
ZRDA ACTIVITY IN GEORGIA



- 2 CFR 200 ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე-ნაწილი E (აშშ აპლიკანტები მთლიანად ექვემდებარებიან 2 CFR 200)
2 CFR 200 სრული ტექსტში იხილეთ http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl

ზრდა-მ უნდა უზრუნველყოს, რომ ყველა ორგანიზაციამ, რომელიც იღებს USAID საგრანტო სახსრებს, შეასრულოს ზემოთ მითითებული სახელმძღვანელო, რომელიც ვრცელდება მათი გრანტების პირობებსა და დებულებებზე.

USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

ნაწილი II. ინფორმაცია კონტრაქტის მინიჭების შესახებ

ამ პროგრამის ფარგლებში, ზრდა პროექტი გეგმავს ჯამში 130 000 ლარამდე მოცულობის, ორი გრანტის გაცემას. თითოეული გრანტისთვის გათვალისწინებული თანხის მოცულობა მერყეობს 20 000 ლარიდან 65 000 ლარის ფარგლებში. საგრანტო თანხის საბოლოო ოდენობა დამოკიდებულია გრანტის მიმღებთა აქტივობებსა და საბოლოო მოლაპარაკებებზე; თუმცა, საგრანტო მოცულობა შესაძლოა აღმოჩნდეს უფრო ნაკლები, ვიდრე გათვალისწინებული თანხის ქვედა ზღვარი (20 000 ლარი), მაგრამ არა უმეტეს 65 000 ლარისა.

ზრდა პროექტის მიერ საბოლოო ბიუჯეტის და გრანტის ტიპის განსაზღვრა მოხდება ინდივიდუალურად შერჩეულ აპლიკანტებთან ერთად.

საგრანტო პერიოდი გათვლილია არა უმეტეს 6 თვისა. გრანტის დაწყების სავარაუდო თარიღი არის 2018 წლის 1 მარტი.

ნაწილი III. კონკურსზე დასაშვებ აპლიკანტთა შერჩევის კრიტერიუმები

IIIA. კონკურსზე დასაშვებად:

- აპლიკანტი უნდა იყოს საქართველოში რეგისტრირებული იურიდიული ან გადასახადების გადამხდელი ფიზიკური პირი, ოფიციალურად შემდგარი, გამართული სამართლებრივი მდგომარეობით და აღიარებული საქართველოს ხელისუფლების შესაბამისი ორგანოების მიერ. ის უნდა შეესაბამებოდეს ყველა მოქმედ სამოქალაქო და ფისკალურ რეგლამენტს.
- აპლიკანტების კუთვნილი საოჯახო სასტუმრო უნდა მდებარეობდეს იოლად მისადგომ ადგილას. სიახლოვე ძირითად გზასთან ჩაითვლება უპირატესობად;



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



- აპლიკანტის მფლობელობაში არსებულ საოჯახო სასტუმროს უნდა გააჩნდეს რეგიონისთვის დამახასიათებელი და მარტივად გადასადები ინფრასტრუქტურა იმ შემთხვევაში თუკი სხვა საოჯახო სასტუმროები გამოიყენებენ მას რეპლიკაციისთვის;
- აპლიკანტებს უნდა გააჩნდეთ სფეროში მუშაობის წარმატებული გამოცდილება, ცვლილებების განხორციელების სურვილი და იცნობდნენ არსებულ პრობლემებსა და ტენდენციებს;
- აპლიკანტებს უნდა გააჩნდეთ უნარი და სურვილი, განსახორციელებელი სამუშაო უზრუნველყონ მინიმალური ფინანსური კონტრიბუციით, რომელიც შეადგენს 10 000 ლარს. ეს თანხა დაფარავს მშენებლობის, განახლებისა და/ან აღჭურვილობის ხარჯებს. შემოთავაზებული კონტრიბუციის უფრო დიდი მოცულობა ჩაითვლება უპირატესობად.
- მოცემულ მოთხოვნაზე ერთ აპლიკანტს შეუძლია მხოლოდ ერთი განაცხადის წარდგენა.
- აპლიკანტებმა უნდა წარმოაჩინონ გამართული ფინანსური, ადმინისტრაციული და ტექნიკური მენეჯმენტი, პოლიტიკისა და პროცედურების კუთხით. ასევე წარმოადგინონ არსებული შიდა კონტროლის სისტემა, რომელიც ასრულებს აქტივების დამცავი მექანიზმის როლს, უზრუნველყოფს მათ დაცვას თაღლითობისგან, გაფლანგვისა და ბოროტად გამოყენებისგან; მხარს დაუჭერს პროგრამის მიზნებისა და ამოცანების მიღწევაში. ზემოხსენებული უნარები შეფასდება *ზრდა პროექტის* მიერ გრანტის გაცემამდე.
- გრანტის მიღებამდე, აპლიკანტებმა ხელი უნდა მოაწერონ ამ მოთხოვნას თანდართულ მოწმობებს (დანართი D) და *ზრდა პროექტი* განიხილავს მათ წარმოდგენილ აპლიკაციებთან ერთად.
- ამ მოთხოვნის შედეგად წარმოქმნილი ნებისმიერი ისეთი გრანტის შემთხვევაში, რომელიც არ არის წარმოდგენილი ნატურით და/ან შეადგენს ან აჭარბებს 25 000 ამერიკულ დოლარს, გრანტის მიმღებ პირებს მოეთხოვებათ, რომ საგრანტო ხელშეკრულებაზე ხელმოწერის მომენტამდე წარმოადგინონ მონაცემთა უნივერსალური ნუმერაციის სისტემით (DUNS) მინიჭებული ნომერი. თუ აპლიკანტს აქვს DUNS ნომერი, ის უნდა მითითებულ იქნას განაცხადში. წინააღმდეგ შემთხვევაში, აპლიკანტები ვალდებული არიან, აიღონ ნომერი გრანტის მიღების მომენტამდე. *ზრდა პროექტი* დაეხმარება წარმატებულ აპლიკანტებს DUNS ნომრის მიღების პროცესში. ამ ნომრის მიღება შესაძლებელია ინტერნეტით შემდეგ ვებ გვერდზე: <http://fedgov.dnb.com/webform/pages/CCRSearch.jsp>
- წარმატებული აპლიკანტი იმუშავებს *ზრდა პროექტის* მარკირების და ბრენდინგის გეგმის შესაბამისად. ზემოხსენებული გეგმა დართული იქნება საგრანტო ხელშეკრულებაზე.



USAID
ამერიკელი ხალხისათვის

პროექტი ზრდა საქართველოში
ZRDA ACTIVITY IN GEORGIA



ნაწილი IV – განაცხადის შევსება და წარდგენა

IVA. ინსტრუქციები აპლიკანტებისთვის

აპლიკანტმა უნდა წარმოადგინოს სტრატეგიები IC პუნქტში აღწერილი პროგრამის განსახორციელებლად, მათ შორის ინოვაციური მიდგომები, რომლებიც შეესაბამება მათი ორგანიზაციის ძლიერ მხარეებს.

IVA1. აპლიკანტის თვითშეფასება

გრანტის მიმღებ ყველა ორგანიზაცია გაივლის წინა საგრანტო რისკების შეფასების პროცედურას, რომელიც ჩატარდება *ზრდა პროექტის* მიერ. ამ პროცედურის მიზანია იმის დადგენა, აქვს თუ არა ორგანიზაციას ის მინიმალური შესაძლებლობები, რომლებიც აუცილებელია აშშ სამთავრობო სახსრების განკარგვისთვის. აპლიკანტის თვითშეფასების ფორმის შევსება არის პირველი ეტაპი წინა საგრანტო რისკების შეფასების პროცესში. აპლიკანტის თვითშეფასების ფორმა მოცემულია ამ მოთხოვნას თანდართულ დოკუმენტში (დანართი C).

აპლიკანტებს, რომელთა განაცხადები სრულადაა შევსებული და ამასთანავე აკმაყოფილებს ან აჭარბებს შესაბამისობის შეფასების კრიტერიუმებს, მომდევნო ეტაპების შესახებ ეცნობებათ განაცხადის განხილვის პროცესში.

IVA2. საგრანტო განაცხადი

აპლიკანტებმა უნდა წარმოადგინონ შევსებული საგრანტო განაცხადი. განაცხადის ფორმა თან ახლავს ამ მოთხოვნას (დანართი A).

განაცხადი ხელმოწერილი უნდა იყოს აპლიკანტის უფლებამოსილი პირის მიერ.

IVA3. ხარჯები, რომლებიც არ ანაზღაურდება *ზრდა პროექტის* მიერ:

ზრდა პროექტის გრანტის ფარგლებში მიღებული სახსრები არ შეიძლება გამოყენებულ იქნას შემდეგი აქტივობებისთვის:

- მშენებლობა ან ნებისმიერი სახის ინფრასტრუქტურული საქმიანობა. მშენებლობა ასევე მოიცავს სარემონტო სამუშაოებს, რეკონსტრუქციას, გადაკეთებას და აღდგენის ხარჯებს.
- ცერემონიების, საღამოების, დღესასწაულების ან წარმომადგენლობითი ხარჯები.
- შეზღუდული საქონლის შესყიდვები, როგორიცაა: შეზღუდული სასოფლო-სამეურნეო პროდუქტები, ავტომობილები მათ შორის მოტოციკლები, ფარმაცევტული პრეპარატები, სამედიცინო მოწყობილობები, კონტრაცეპტივები, მეორადი აღჭურვილობა; ზრდა პროექტის წინასწარი ნებართვის გარეშე, ან აკრძალული საქონელი, აკრძალული საქონელი USAID რეგულაციების თანახმად, მათ შორის და არა მხოლოდ შემდეგი: აბორტის მოწყობილობა და მომსახურებები, ფუფუნების საგნები და სხვა.



USAID
ამერიკელი ხალხისათვის

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

- ალკოჰოლური სასმელები.
- იმ საქონლის ან მომსახურებების შესყიდვა, რომელიც იზღუდება ან იკრძალება USAID წყარო / წარმოების ადგილი მოქმედი რეგულაციის შესაბამისად, (ბირმა (მიანმა), კუბა, ირანი, ჩრდილოეთ კორეა, (ჩრდილოეთ) სუდანი და სირია).
- ნებისმიერი შესყიდვა ან საქმიანობა, რომელიც უკვე განხორციელებულია.
- შესყიდვები ან საქმიანობები, რომელთა შესრულება არ ემსახურება ზრდა პროექტის გრანტით განსაზღვრულ მიზნებს.
- გრანტის მიმღების წინა (გრანტის მიღებამდე) ვალდებულებები და/ან ვალები, საურავები და პირგასამტეხლობები.
- შემოწირულობების ფონდების შექმნა.

IVB. განაცხადის წარდგენა

განაცხადები წარდგენილ უნდა იქნას ინგლისურ ან ქართულ ენაზე და მათი მოცულობა არ უნდა აღემატებოდეს 10 გვერდს.

განაცხადების წარდგენა/ჩაბარება შესაძლებელია ელექტრონულად შემდეგ ელექტრონულ ფოსტაზე: subawards@zrda.ge და/ან ბეჭდური ფორმით ზრდა პროექტის ოფისებში, შემდეგ მისამართებზე:

- თბილისი, რამიშვილის ქუჩა #9, I ჩიხი, 3-4 სართული, 0179
- ზუგდიდი, რ. ლალიძის ქუჩა #3 (საქველმოქმედო ჰუმანიტარული ცენტრი “აფხაზეთის” ოფისი)
- ახალციხე, გვარამიძის ქუჩა #21, ახალციხე (ზრდა პროექტის ოფისი)

განაცხადში აუცილებლად უნდა მიეთითოს მოთხოვნის (RFA) # **031-1012-001-S-2017**. განაცხადები წარდგენილ უნდა იქნას არაუგვიანეს 2018 წლის 20 იანვრისა (18:00 სთ). დაგვიანებული ან შეუსაბამო განაცხადები არ განიხილება.

ნაწილი V. განაცხადის შეფასება

VA1. განაცხადის შეფასების კრიტერიუმები

სრული განაცხადები შეფასდება კრიტერიუმების მიხედვით, რომლებიც მითითებულია ქვემოთ ცხრილში:



USAID
ამერიკელი ხალხისგან

პროექტი ზრდა საქართველოში
ZRDA ACTIVITY IN GEORGIA



შეფასების კატეგორია	შეფასება (ქულა)
სამუშაო გამოცდილება შესაბამის სექტორში	30
საოჯახო სასტუმროს ადგილმდებარეობა	20
მმართველობითი უნარები	20
მდგრადობა / ფინანსური თვითმყოფადობა	30
საბოლოო შეფასება (100 ქულიდან)	100

- A. სამუშაო გამოცდილება შესაბამის სექტორში.** უნდა ქონდეს მინიმუმ 1 წლიანი გამოცდილება და კარგი მომსახურების მიწოდების ისტორია, სტუმრების რაოდენობის ჩათვლით. სტუმრების დადებითი შეფასებების დამადასტურებელი საბუთების მოწოდება ჩაითვლება უპირატესობად. **30 ქულა**
- B. ადგილმდებარეობა.** აპლიკანტების კუთვნილი საოჯახო სასტუმრო უნდა მდებარეობდეს იოლად მისადგომ ადგილას. ძირითად გზასთან ახლოს და ადვილად შესამჩნევ ადგილას მდებარე სასტუმროებს მიენიჭებათ უპირატესობა. **20 ქულა**
- C. მმართველობითი უნარები.** საოჯახო სასტუმროს უნარი იკისროს და შეასრულოს შემოთავაზებული აქტივობები და შეასრულოს საჩვენებელი მოდელის როლი მსგავსი ტიპის საოჯახო სასტუმროებისათვის. განაცხადში წარმოჩენილ უნდა იქნას ორგანიზაციის შინაგანი სტრუქტურის, ტექნიკური შესაძლებლობების და ძირითადი პერსონალის ეფექტურობა, აქტივობის მიზნების მიღწევის თვალსაზრისით. ამასთანავე, ორგანიზაციამ უნდა აჩვენოს შესაბამისი ფინანსური მენეჯმენტის უნარი. ზრდა პროექტის მიერ, შეფასება დამოკიდებული იქნება ძირითადი პერსონალის გამოცდილებაზე, კვალიფიკაციაზე, რეპუტაციაზე, შესაფერისობასა და უნარებზე; ასევე ორგანიზაციის საქმიანობის ისტორიაზე, რეპუტაციასა და მიღწევებზე (მათ შორის, თვითმყოფადი, მდგრადი განვითარების აქტივობების შექმნაზე). **20 ქულა**
- D. მდგრადობა/ფინანსური თვითმყოფადობა.** უნდა იყოს მდგრადი/ფინანსურად დამოუკიდებელი და შეეძლოს მოთხოვნილი კონტრიბუციის გაწევა. **30 ქულა**

დამატებით, ზრდა პროექტი უზრუნველყოფს საგრანტო პროექტის ეკოლოგიურ თავსებადობას და მიზანშეწონილობას პროექტირების და განხორციელების ეტაპებზე, 22 CFR 216 რეგულაციის შესაბამისად.



USAID
ამერიკელი ხალხისათვის

პროექტი ზრდა საქართველოში
ZRDA ACTIVITY IN GEORGIA



ნაწილი VI. ინფორმაცია გრანტის მიღებისა და ადმინისტრირების შესახებ

ყველა გრანტი ექვემდებარება საბოლოო მოლაპარაკებას, დაითვლება და გაიცემა ქართულ ლარში.

გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს წერილობით ეცნობებათ მათი განაცხადების თაობაზე მიღებული გადაწყვეტილების შესახებ.

დანართების ჩამონათვალი:

- დანართი A - განაცხადის ფორმა;
- დანართი B - განხორციელების გეგმა;
- დანართი C – აპლიკანტის თვითშეფასების ფორმა;
- დანართი D - მოთხოვნილი სერტიფიკატები;
- დანართი E - აპლიკანტის კონტრიბუციის ფორმა.